

**სსიპ - უმაღლესი საგანმანათლებლო დაწესებულებების დამოუკიდებელი სამეცნიერო-კვლევითი
ერთეულების მატერიალურ ტექნიკური ბაზის განახლების ხელშეწყობის
კონკურსის პირობები**

მუხლი 1. ზოგადი დებულებები

1. სსიპ - უმაღლესი საგანმანათლებლო დაწესებულებების დამოუკიდებელი სამეცნიერო-კვლევითი ერთეულების მატერიალურ ტექნიკური ბაზის განახლების ხელშეწყობის კონკურსის მიზანია საქართველოს განათლების, მეცნიერებისა და ახალგაზრდობის სამინისტროს (შემდგომ - სამინისტრო) მმართველობის სფეროში მოქმედი სსიპ - უმაღლესი საგანმანათლებლო დაწესებულებების (სსიპ - ივანე ჯავახიშვილის სახელობის თბილისის სახელმწიფო უნივერსიტეტი, სსიპ - საქართველოს ტექნიკური უნივერსიტეტი, სსიპ - ილიას სახელმწიფო უნივერსიტეტი, სსიპ - თბილისის სახელმწიფო სამედიცინო უნივერსიტეტი), მათი მმართველობის სფეროში შემავალი დამოუკიდებელი სამეცნიერო კვლევითი ერთეულების აღჭურვა თანამედროვე სამეცნიერო-კვლევითი აპარატურით, სამეცნიერო კვლევებისათვის საჭირო კომპიუტერული პროგრამებით, კომპიუტერული ტექნიკით, საჭირო მასალებით, სათანადო ლიტერატურის შეძენის და არსებული სამეცნიერო-კვლევითი აპარატურის ფუნქციური გაუმჯობესების ან/და სათანადო რეაგენტების შესყიდვისათვის, აუცილებელი სახსრებით უზრუნველყოფა.
2. კონკურსი ფინანსდება საქართველოს სახელმწიფო ბიუჯეტიდან და მის ადმინისტრირებას ახორციელებს საჯარო სამართლის იურიდიული პირი - შოთა რუსთაველის საქართველოს ეროვნული სამეცნიერო ფონდი (შემდგომ - ფონდი), საქართველოს განათლების, მეცნიერებისა და ახალგაზრდობის მინისტრის 2024 წლის 31 დეკემბრის №1676086 ბრძანებით დამტკიცებული სამეცნიერო კვლევების ხელშეწყობის პროგრამის მე-3 ქვეპროგრამისა და ფონდის გენერალური დირექტორის ამ ბრძანებით განსაზღვრული წესების შესაბამისად.
3. დაფინანსების მოპოვება შესაძლებელია მხოლოდ ღია კონკურსის წესით.

მუხლი 2. კონკურსში მონაწილე სუბიექტები და მონაწილეობის პირობები

1. დაფინანსების მოსაპოვებლად განაცხადის წარდგენა და დაფინანსების მიღება შეუძლიათ სამინისტროს სისტემაში შემავალ სსიპ - უმაღლეს საგანმანათლებლო დაწესებულებებს, მათ შემადგენლობაში შემავალი დამოუკიდებელი სამეცნიერო კვლევითი ერთეულებისათვის, კერძოდ:

ა) სსიპ - ივანე ჯავახიშვილის სახელობის თბილისის სახელმწიფო უნივერსიტეტის

- ა.ა) ეროვნული სამეცნიერო ბიბლიოთეკა;
- ა.ბ) რაფიელ აგლაძის სახელობის არაორგანული ქიმიისა და ელექტროქიმიის ინსტიტუტი;
- ა.გ) არნოლდ ჩიქობავას სახელობის ენათმეცნიერების ინსტიტუტი;
- ა.დ) მიხეილ ნოდის სახელობის გეოფიზიკის ინსტიტუტი;
- ა.ე) ელევთერ ანდრონიკაშვილის სახელობის ფიზიკის ინსტიტუტი;
- ა.ვ) შოთა რუსთაველის სახელობის ქართული ლიტერატურის ინსტიტუტი;
- ა.ზ) ალექსანდრე ჯანელიძის სახელობის გეოლოგიის ინსტიტუტი;
- ა.თ) ალექსანდრე ნათიშვილის მორფოლოგიის ინსტიტუტი;
- ა.ი) ალ. თვალჭრელიძის სახელობის მინერალური ნედლეულის კავკასიის ინსტიტუტი;
- ა.კ) ანდრია რაზმაძის სახელობის მათემატიკის ინსტიტუტი;

- ა.ლ) ვახუშტი ბაგრატიონის სახელობის გეოგრაფიის ინსტიტუტი;
- ა.მ) პეტრე მელიქიშვილის სახელობის ფიზიკური და ორგანული ქიმიის ინსტიტუტი;
- ა.ნ) ივანე ჯავახიშვილის სახელობის ისტორიისა და ეთნოლოგიის ინსტიტუტი;
- ა.ო) თინათინ წერეთლის სახელობის სახელმწიფოსა და სამართლის ინსტიტუტი;
- ა.პ) პაატა გუგუშვილის სახელობის ეკონომიკის ინსტიტუტი;
- ა.ჟ) ნოდარ ამაღლობელის სახელობის მაღალი ენერგიების ფიზიკის სამეცნიერო-კვლევითი ინსტიტუტი;
- ა.რ) ილია ვეკუას სახელობის გამოყენებითი მათემატიკის სამეცნიერო-კვლევითი ინსტიტუტი.

ბ) სსიპ - საქართველოს ტექნიკური უნივერსიტეტის

- ბ.ა) ბიოტექნოლოგიის ცენტრი;
- ბ.ბ) ნიკო მუსხელიშვილის გამოთვლითი მათემატიკის ინსტიტუტი;
- ბ.გ) ჰიდროგეოლოგიისა და საინჟინრო გეოლოგიის ინსტიტუტი;
- ბ.დ) ჰიდრომეტეოროლოგიის ინსტიტუტი;
- ბ.ე) ვლადიმერ ჭავჭავაძის სახელობის კიბერნეტიკის ინსტიტუტი;
- ბ.ვ) ნაგებობების, სპეციალური სისტემებისა და საინჟინრო უზრუნველყოფის ინსტიტუტი;
- ბ.ზ) ი. ჟორდანias სახელობის საქართველოს საწარმოო ძალებისა და ბუნებრივი რესურსების შემსწავლელი ცენტრი;
- ბ.თ) სენსორული ელექტრონიკისა და მასალათმცოდნეობის სამეცნიერო - ტექნოლოგიური ცენტრი;
- ბ.ი) სამეცნიერო-კვლევითი ინსტიტუტი „ტალღა“;
- ბ.კ) ც. მირცხულავას სახელობის წყალთა მეურნეობის ინსტიტუტი;
- ბ.ლ) კვების მრეწველობის ინსტიტუტი;
- ბ.მ) მემბრანული ტექნოლოგიების საინჟინრო ინსტიტუტი;
- ბ.ნ) არჩილ ელიაშვილის მართვის სისტემების ინსტიტუტი;
- ბ.ო) სამეცნიერო-კვლევითი ინსტიტუტი "ტექინფორმი";
- ბ.პ) კვანტური ფიზიკისა და საინჟინრო ტექნოლოგიების ინსტიტუტი.

გ) სსიპ - თბილისის სახელმწიფო სამედიცინო უნივერსიტეტის

- გ.ა) ვლადიმერ ბახუტაშვილის სახელობის სამედიცინო ბიოტექნოლოგიის ინსტიტუტი;
- გ.ბ) იოველ ქუთათელაძის ფარმაცოქიმიის ინსტიტუტი.

დ) სსიპ - ილიას სახელმწიფო უნივერსიტეტის

- დ.ა) გიორგი წერეთლის აღმოსავლეთმცოდნეობის ინსტიტუტი;
- დ.ბ) ბოტანიკის ინსტიტუტი;
- დ.გ) დემოგრაფიისა და სოციოლოგიის ინსტიტუტი;
- დ.დ) ზოოლოგიის ინსტიტუტი;
- დ.ე) პოლიტოლოგიის ინსტიტუტი;
- დ.ვ) დედამიწის შემსწავლელ მეცნიერებათა ინსტიტუტი და სეისმური მონიტორინგის ეროვნული ცენტრი;
- დ.ზ) სავლე წერეთლის ფილოსოფიის ინსტიტუტი;
- დ.თ) დიმიტრი უზნაძის ფსიქოლოგიის ინსტიტუტი.

2. კონკურსში მონაწილეობის უფლების მქონე სსიპ უმაღლეს საგანმანათლებლო დაწესებულებებს უფლება აქვთ თითოეული დამოუკიდებელი სამეცნიერო კვლევითი ერთეულისათვის წარადგინოს ერთი საპროექტო განაცხადი ქვემოთ დასახელებულ ერთ ან ორ ლოტში:

- I ლოტი** განსაკუთრებულად პრიორიტეტული კვლევებისათვის საჭირო დანადგარები, აპარატურა, ხელსაწყოები, ინსტრუმენტები და მათი ცალკეული ნაწილები (150,000.00 ან მეტი ლარის ღირებულების);
- II ლოტი** ძვირადღირებული სამეცნიერო დანადგარები და აღჭურვილობა (100,000.00-დან 149,999.00-მდე ლარის ღირებულების);
- III ლოტი** სამეცნიერო დანადგარები და აღჭურვილობა, სამეცნიერო ბიბლიოთეკის ფონდის შევსება, უცხოური ელექტრონული ლიტერატურის ბაზებზე წვდომა (არაუმეტეს 99,999.00 ლარის ღირებულების);
- IV ლოტი** რეაქტივები, რეაგენტები, ლაბორატორიული და საექსპერიმენტო სახარჯი მასალები (არაუმეტეს 25,000.00 ლარის ღირებულების);
- V ლოტი** კომპიუტერები, პროგრამული უზრუნველყოფა, ელექტრონულ მონაცემთა ბაზები (მათ შორის საბიბლიოთეკო ქსელისათვის საჭირო ელექტრონული ბაზები), სკანერები, ფოტო-ვიდეო გადაღებისათვის საჭირო ტექნიკა, სხვა კომპიუტერული აპარატურა და აქსესუარები (არაუმეტეს 15,000.00 ლარის ღირებულების);
- VI ლოტი** ლიტერატურის შეძენა, თარგმნა, საავტორო უფლების მოპოვებასთან დაკავშირებული ხარჯები (არაუმეტეს 10,000.00 ლარის ღირებულების).

3. ერთი დამოუკიდებელი სამეცნიერო კვლევითი ერთეულისათვის:

- ა) I ლოტში განაცხადის წარმოდგენა დასაშვებია მხოლოდ იმ შემთხვევაში, თუ დამოუკიდებელ სამეცნიერო კვლევით ერთეულს არ მიუღია I ან II ლოტიდან დაფინანსება წინა წლის (2024 წლის) კონკურსის ფარგლებში;
- ბ) II ლოტში განაცხადის წარმოდგენა დასაშვებია მხოლოდ იმ შემთხვევაში, თუ დამოუკიდებელ სამეცნიერო კვლევით ერთეულს არ მიუღია I ან II ლოტიდან დაფინანსება წინა წლის (2024 წლის) კონკურსის ფარგლებში;
- გ) ორი ლოტიდან დაფინანსების მოთხოვნის შემთხვევაში განისაზღვრება მთავარი და დამატებითი ლოტები. დაუშვებელია, მთავარი და დამატებითი ლოტები იყოს ერთი და იგივე. მთავარ ლოტში I ლოტის არჩევის შემთხვევაში დაუშვებელია, დამატებითი ლოტი იყოს II ლოტი და პირიქით.
- დ) თითოეული ლოტისათვის ფონდიდან მოთხოვნილი თანხა უნდა შეესაბამებოდეს დასახელებული ლოტის ბიუჯეტის ლიმიტს.
- ე) ხარჯები, რომლებიც უკავშირდება ტრანსპორტირებას, მონტაჟს, ხელსაწყოთა სრულყოფილი ექსპლუატაციის სწავლებას, რემონტს, დაზღვევას, საბაჟო გადასახადს, საგარანტიო ან/და საბანკო მომსახურებას (საჭიროების შემთხვევაში) გათვალისწინებული უნდა იყოს შესაბამისი ლოტის ბიუჯეტის ლიმიტის ფარგლებში.

4. პროექტს უნდა ჰყავდეს **პროექტის ხელმძღვანელი** - სსიპ - უმაღლესი საგანმანათლებლო დაწესებულებების შემადგენლობაში შემავალი დამოუკიდებელი სამეცნიერო კვლევითი ერთეულის დირექტორი/დირექტორის მოადგილე.

5. პროექტის სრულყოფილად წარმოდგენაზე პასუხისმგებელია პროექტის ხელმძღვანელი.

6. ფონდი არ ანაზღაურებს პროექტის მომზადებისა და წარდგენისათვის გაწეულ ხარჯებს.

მუხლი 3. საკონკურსო დოკუმენტაცია

1. დამოუკიდებელი სამეცნიერო კვლევითი ერთეულისათვის დაფინანსების მოსაპოვებლად კონკურსზე უნდა დარეგისტრირდეს საპროექტო განაცხადი, რომელიც შედგება შემდეგი დოკუმენტებისაგან:

- ა) კრებსითი ინფორმაცია საპროექტო განაცხადის შესახებ და ბიუჯეტი (დანართი №2 - ივსება GMUS-ში პროექტის რეგისტრაციის დროს);
 - ბ) საპროექტო წინადადება (დანართი №3, იტვირთება GMUS-ში PDF დოკუმენტის სახით);
 - გ) პროექტის წარმომდგენი იურიდიული პირის „განცხადება კონკურსში მონაწილეობის შესახებ“ (დანართი №4, გენერირდება GMUS-დან) დამოწმებული შესაბამისი ხელმოწერებითა და ბეჭდით.
2. კონკურსში გამარჯვების შემთხვევაში, დაფინანსების მიმღებმა ფონდის კანცელარიაში უნდა წარმოადგინოს:
- ა) დაფინანსებული ორგანიზაციის (უმაღლესი საგანმანათლებლო დაწესებულების) სახაზინო ანგარიშის რეკვიზიტები, რომელზეც ჩაირიცხება დაფინანსების თანხა;
 - ბ) ცნობა იმის შესახებ, რომ ორგანიზაციას (უმაღლეს საგანმანათლებლო დაწესებულებას) არ გააჩნია დავალიანება სახელმწიფო ბიუჯეტის წინაშე;
3. საკონკურსო დოკუმენტაცია წარმოდგენილი უნდა იყოს ქართულ ენაზე ფონდის გენერალური დირექტორის ამ ბრძანებით დამტკიცებული წესების, ფორმებისა და ვადების დაცვით.
4. პროექტის სრულყოფილად წარმოდგენასა და ინფორმაციის სიზუსტეზე პასუხისმგებელია პროექტის ხელმძღვანელი.

მუხლი 4. კონკურსზე რეგისტრაციის წესი

1. კონკურსში საპროექტო განაცხადის რეგისტრაცია ხორციელდება ორ ეტაპად:
 - ა) ელექტრონული რეგისტრაცია – 2025 წლის 7 თებერვლიდან 26 თებერვლის 16:00 საათამდე;
 - ბ) ფონდის კანცელარიაში რეგისტრაცია – 2025 წლის 28 თებერვალი 16:00 საათამდე.
2. საპროექტო განაცხადის ელექტრონული რეგისტრაციისათვის სავალდებულოა ფონდის გრანტების მართვის ერთიან სისტემაში (GMUS-ში) დარეგისტრირებულნი იყვნენ პროექტში ჩართული იურიდიული და ფიზიკური პირები:
 - ა) საპროექტო განაცხადის წარმომდგენი უმაღლესი საგანმანათლებლო დაწესებულება რეგისტრირდება GMUS-ის „ორგანიზაციის პროფილში“;
 - ბ) პროექტის ხელმძღვანელი (დამოუკიდებელი სამეცნიერო კვლევითი ერთეულის დირექტორი/დირექტორის მოადგილე) რეგისტრირდება GMUS-ის „მეცნიერის პროფილში“.
3. საპროექტო განაცხადის ელექტრონული რეგისტრაცია გულისხმობს კონკურსის პირობების მე-3 მუხლის პირველი პუნქტის „ა“ ქვეპუნქტებით გათვალისწინებული ინფორმაციის შევსებასა და „ბ“ პუნქტით გათვალისწინებული დოკუმენტის ატვირთვას GMUS-ის შესაბამის ველებში.
4. ფონდის კანცელარიაში რეგისტრაციის ეტაპი გულისხმობს კონკურსში მონაწილეობის შესახებ განცხადების (კონკურსის პირობების მე-3 მუხლის პირველი პუნქტის „გ“ ქვეპუნქტი) წარმოდგენას ფონდის კანცელარიაში.
5. საკონკურსოდ განიხილება მხოლოდ ის საპროექტო განაცხადი, რომელსაც დადგენილი ვადებისა და წესების დაცვით გავლილი აქვს ელექტრონული რეგისტრაცია და ფონდის კანცელარიაში წარმოდგენილია შესაბამისად დამოწმებული „განცხადება კონკურსში მონაწილეობის შესახებ.“

მუხლი 5. კონკურსის ადმინისტრირების ეტაპები

1. კონკურსის გამოცხადება დადგენილი წესით - იანვარი;
2. საპროექტო განაცხადების ელექტრონული რეგისტრაცია - თებერვალი;
3. ფონდის კანცელარიაში კონკურსში მონაწილეობის შესახებ განცხადების წარდგენა - თებერვალი;

4. კონკურსის პირობებთან შესაბამისობის დადგენის მიზნით საკონკურსოდ წარმოდგენილი განაცხადების ტექნიკური ექსპერტიზა, ხარვეზის დადგენა და ხარვეზის გამოსწორების ვადის განსაზღვრა - მარტი;
5. კონკურსის პირობების დაცვით წარმოდგენილი საპროექტო განაცხადების შეფასება ფონდის გენერალური დირექტორის ინდივიდუალური ადმინისტრაციულ-სამართლებრივი აქტით დამტკიცებული საკონკურსო კომისიის მიერ მარტი-აპრილი;
6. საკონკურსო კომისიისგან მიღებული შეფასებების საფუძველზე შერჩეული დასაფინანსებელი პროექტების გენერალურ დირექტორთან წარდგენა დასამტკიცებლად - აპრილი-მაისი;
7. დასაფინანსებლად შერჩეული პროექტების გენერალური დირექტორის მიერ დამტკიცება და კონკურსის შედეგების გამოქვეყნება - მაისი;
8. ხელშეკრულებების გაფორმება - მაისი.

მუხლი 6. პროექტების შეფასება

1. კონკურსში მონაწილე საპროექტო განაცხადების შეფასება ხორციელდება საქართველოს განათლების, მეცნიერებისა და ახალგაზრდობის მინისტრის 2024 წლის 31 დეკემბრის №1676086 ბრძანებით დამტკიცებული პროგრამის მე-3 ქვეპროგრამის მე-4 მუხლის მე-10, მე-11, მე-12, მე-13 და მე-14 პუნქტებით დადგენილი წესების დაცვით.
2. საკონკურსო კომისიის შემადგენლობაში შედიან:
 - ა) სამინისტროს წარმომადგენლები (2 წევრი);
 - ბ) ფონდის წარმომადგენლები (2 წევრი);
 - გ) სსიპ საგანმანათლებლო და სამეცნიერო ინფრასტრუქტურის განვითარების სააგენტოს წარმომადგენელი (1 წევრი);
 - დ) სსიპ საქართველოს მეცნიერებათა ეროვნული აკადემიის წარმომადგენელი (1 წევრი);
 - ე) სსიპ სოფლის მეურნეობის მეცნიერებათა აკადემიის წარმომადგენელი (1 წევრი);
 - ვ) დარგობრივი ექსპერტები (საჭიროების შემთხვევაში).
4. საკონკურსო კომისია კონსესუსის წესით:
 - ა) განსაზღვრავს საკონკურსო ბიუჯეტის თანხის განაწილებას ლოტებს შორის კონკურსში მონაწილე საპროექტო განაცხადებით მოთხოვნილი დაფინანსების გათვალისწინებით;
 - ბ) აფასებს კონკურსში მონაწილე განაცხადებს დადგენილი შეფასების კრიტერიუმების მიხედვით;
 - გ) იღებს გადაწყვეტილებას თითოეულ საპროექტო განაცხადზე და გადაწყვეტილებას ასახავს შემაჯამებელი კომენტარის სახით;
 - დ) შეარჩევს დასაფინანსებელ პროექტებს და წარუდგენს ფონდის გენერალურ დირექტორს დასამტკიცებლად.
5. საკონკურსო კომისია განაცხადებს აფასებს შემდეგი კრიტერიუმების მიხედვით:

N	კრიტერიუმი	სუსტი	საშუალო	კარგი
1	გამორჩეული მეცნიერება - დამოუკიდებელი ერთეულის სტრატეგიული მიზნები; მიღწევები და სამეცნიერო პროდუქტიულობა ბოლო 5 წლის განმავლობაში; - მიმდინარე და დაგეგმილი პროექტები (მათ შორის საერთაშორისო ან/და ბიზნესთან თანამშრომლობით)	1-4	5-7	8-10

2	განხორციელებადობა ქვეპროგრამის ფარგლებში 2021 წლიდან დაფინანსების ხელშეკრულებების შესრულების ხარისხი	1-4	5-7	8-10
3	მოსალოდნელი შედეგები • მატერიალურ-ტექნიკური ბაზის აღჭურვა/განახლება • ღია სამეცნიერო-კვლევითი ინფრასტრუქტურა (მოსარგებლეთა წრე, გაზიარებული სამეცნიერო პრაქტიკა, დამწყებ მკვლევართა შესაძლებლობების განვითარება)	1-4	5-7	8-10
	ჯამური ქულა			
	შემაჯამებელი კომენტარი			

6. საკონკურსო კომისია უფლებამოსილია გასცეს რეკომენდაცია საპროექტო განაცხადის ბიუჯეტის კორექტირებაზე. ასეთ შემთხვევაში, დაფინანსების ხელშეკრულება გაფორმდება კორექტირებული ბიუჯეტის წარმოდგენის საფუძველზე.

მუხლი 7. დაფინანსების ხელშეკრულება

1. ფონდის გენერალური დირექტორის მიერ გამარჯვებული პროექტების დამტკიცების შემდეგ, ფონდი უზრუნველყოფს ხელშეკრულებების გაფორმებას.
2. ხელშეკრულება გაფორმდება იმ სუბიექტებთან, რომლებიც წარმოადგენენ „კონკურსის პირობების“ მე-3 მუხლის მე-2 პუნქტით გათვალისწინებულ დოკუმენტებს.
3. ხელშეკრულებაში დეტალურად გაიწერება ურთიერთვალდებულებათა პირობები.
4. ხელშეკრულების გაფორმების შემდეგ პროექტის ბიუჯეტით გათვალისწინებული თანხები გადარიცხება უმაღლესი საგანმანათლებლო დაწესებულების სახაზინო ანგარიშზე ავანსის სახით ერთ ტრანშად ხელშეკრულების გაფორმებიდან არაუგვიანეს 20 კალენდარული დღის ვადაში.

მუხლი 8. პროექტის შესრულების მონიტორინგი

1. ფონდი განახორციელებს პროექტების დაფინანსების ხელშეკრულებით გათვალისწინებული ვალდებულებების პროგრამულ მონიტორინგს.
2. მონიტორინგი გულისხმობს ხელშეკრულებით გათვალისწინებული ვალდებულებების შესრულების შემოწმებას დაფინანსების მიმღების მიერ წარმოდგენილი ანგარიშის განხილვის საფუძველზე. ფონდი უფლებამოსილია განახორციელოს ადგილზე ვიზიტი მონიტორინგის მიზნებისათვის.
3. ხელშეკრულებით გათვალისწინებული ვალდებულებების შესრულებისას პროექტის ლოტის ბიუჯეტის ქვეკატეგორიაში დაგეგმილი შესყიდვის რაოდენობის, ბრენდის, მოდელის, სპეციფიკაციის ცვლილება და თანხის გადანაწილების ცვლილება უნდა აისახოს გრანტების მართვის ერთიან სისტემაში (GMUS-ში) პროექტის დასრულებამდე, თუ აღნიშნული ცვლილება არ გულისხმობს ახალი ქვეკატეგორიის დამატებას ან/და რომელიმე შესყიდვის ანულისრებას.
4. პროექტის ლოტის ბიუჯეტში ახალი ქვეკატეგორიის (შესყიდვის) დამატება ან/და რომელიმე შესყიდვის ანულისრება საჭიროებს საკონკურსო კომისიასთან შეთანხმებას. სავალდებულოა, რომ ასეთი ცვლილებები დაკავშირებული იყოს პროექტით გათვალისწინებული მიზნებისა და ამოცანების შესრულებასთან და არ გულისხმობდეს პროექტით გათვალისწინებული ბიუჯეტის ჯამური ოდენობის ზრდას.

5. დაფინანსების მიმღები ვალდებულია ხელშეკრულებით განსაზღვრული ვადის ამოწურვის შემდეგ ფონდში წარმოადგინოს ანგარიში დამტკიცებული ფორმის შესაბამისად.
6. ანგარიშის განხილვისას, პროექტით გათვალისწინებული ვალდებულებების შეუსრულებლობის შემთხვევაში, დაფინანსების მიმღებს განესაზღვრება ხარვეზის გამოსწორების გონივრული ვადა.
7. პროექტი ჩაითვლება დასრულებულად, მას შემდეგ რაც დაფინანსებული პროექტისათვის ავანსად გადარიცხულ ტრანშზე, პროექტის დახურვის მომენტში, ფონდში წარდგენილია ანგარიში, ფონდის მიერ შედგენილია შესაბამისი განხილვის აქტი და მხარეთა შორის გაფორმებულია შედარების აქტი.